

խեղդել, ես զՔրիստոս Աստուած ոչ ուրանամ» :
Դատաւորը ճանչցաւ պատանեկին անմեղութիւնը .
խանդաղատեցաւ անօր հասակին, և քրիստոնէից
երաշխաւորութեամբ համազուեցաւ ազատ թողուլ
զինքն՝ դառնալ ի տուն ծնողացն :

Բայց այդպիսի արդարագատ վճռով մը չէին
կրնար գոհ մնալ երանելոյն թշնամիքը . մանա-
ւանդ թէ ալ աւելի զայրացած՝ դատելոյն հետ
իրենց ամբաստանութիւնը դարձուցին նաև դա-
տողին դէմ . և տեղւոյն տանիչմանին կամ դեն-
պետին դիմելով՝ արդարութիւն և իրաւունք պա-
հանջեցին՝ և այս կարծըւած արդարութեան նպա-
տակն ու վախճան՝ անպարտ պատանեկին անմեղ
արիւնն էր : Համաձայնեցաւ դենպետը, հրաման
ղրկեց դատաւորին որ կրկին բռնել տայ զամբաս-
տանեալն, և ստիպէ ի հաւատափոխութիւն . և
եթէ անլուր գտնուի՝ մահուան պատուհասիւ
վերցընէ զնա : Բռնադատեցաւ դատաւորն՝ իր
համոզմանն վրայէն անցնելով, կատարել տրուած
հրամանը . զրկեց ի տուն, բռնի ի դատաստան
զնա կանչելով : Գորովալիր ծնողքն՝ ահաբեկ և
զարհուրած, ջանացին թաքուցանել զպատանին ի
տան . և երբ խնդրակք՝ ծնողաց ալ դէմ մահասատ
սպառնալեօք վեր վայր կը փնտռէին զինքն, երա-
նելի մանուկն ցատկեց դուրս պահուած տեղէն .
յօժարակամ և յօժարափոյթ մատոյց ձեռքը կա-
պանաց . ու մինչ ծնողք և ազգականք արտասուա-
լից կը հառաչէին ու անմխիթար կը սգային այն
ազնիւ գանձուն ու կենաց անհրաժեշտ ու անմխիթար
կորուստը, ինք միայն ուրախ ու զուարթադէմ կը
զատուէր անոնց գրկէն, կրկին կը ներկայանար
դատաւորին : Յետին փորձ մը ըրաւ նա . աղբրսա-